

**MESYUARAT PERTAMA PENGGAL KETIGA
DEWAN UNDANGAN NEGERI PULAU PINANG
YANG KEEMPAT BELAS
17 APRIL 2020**

PERKARA : 5(A)59

**SOALAN LISAN OLEH AHLI KAWASAN PERMATANG BERANGAN
YB. NOR HAFIZAH BINTI OTHMAN**

59. Kutipan Hasil Negeri 2018-2020.

- (a) Sejak 2018 hingga Mac 2020, berapakah jumlah pendapatan Kerajaan Negeri hasil kutipan cukai tanah, cukai taksiran dan denda/kompaun yang dikeluarkan oleh Pihak Berkuasa Tempatan?
- (b) Selain kutipan tersebut, apakah sumber pendapatan lain bagi Kerajaan Negeri dan bagaimanakah ia dibelanjakan? Perincian pendapatan dan perbelanjaan mengikut sektor/kategori.

JAWAPAN OLEH Y.A.B. KETUA MENTERI

59. (a) Untuk makluman YB, cukai taksiran dan denda/kompaun yang dikeluarkan oleh Pihak Berkuasa Tempatan (PBT) adalah merupakan hasil pendapatan PBT dan tidak dimasukkan ke dalam hasil Kerajaan Negeri. Perincian jumlah hasil bagi kutipan cukai tanah dan kutipan oleh PBT iaitu MBPP dan MBSP adalah seperti jadual di **LAMPIRAN A**.

- (b) Kerajaan Negeri mempunyai tiga sumber hasil iaitu Hasil Cukai, Hasil Bukan Cukai dan Terimaan Bukan Hasil yang mana cukai tanah merupakan komponen utama dalam Hasil Cukai. Perincian jumlah hasil yang dikutip sejak 2018 hingga Mac 2020 adalah seperti jadual di **LAMPIRAN B**.

Kutipan hasil daripada ketiga-tiga sumber ini diakaunkan sebagai Hasil Negeri di bawah Kumpulan Wang Disatukan. Kerajaan Negeri sentiasa memberi keutamaan untuk memastikan hasil yang dikutip dibelanjakan kembali untuk manfaat dan kesejahteraan rakyat Pulau Pinang. Perincian perbelanjaan utama yang dilakukan oleh Kerajaan Negeri daripada hasil yang diterima pada tahun 2018 dan 2019 adalah seperti berikut:

- (i) Perbelanjaan untuk projek-projek pembangunan yang berjaya meningkatkan kesejahteraan dan kualiti hidup rakyat Negeri Pulau Pinang adalah berjumlah RM474.20 juta (termasuk pinjaman kepada Badan Berkanun

Negeri) pada tahun 2018 dan RM233.23 juta pada tahun 2019;

- (ii) Pembiayaan bantuan kebajikan kepada rakyat Negeri Pulau Pinang melalui Program i-Sejahtera dan program-program bantuan sosial yang memberi manfaat kepada pelbagai lapisan masyarakat adalah berjumlah RM84.28 juta pada tahun 2018 dan RM87.02 juta pada tahun 2019; dan
- (iii) Perbelanjaan mengurus untuk jabatan-jabatan kerajaan Negeri selaku jentera kerajaan (*government machinery*) untuk memberikan perkhidmatan yang efisien dan efektif kepada rakyat Negeri Pulau Pinang dan perbelanjaan lain-lain adalah berjumlah RM486.04 juta pada tahun 2018 dan RM459.29 juta pada tahun 2019.

Pecahan perbelanjaan mengurus sebenar tahun 2018, 2019 dan 2020 (sehingga 31 Mac 2020) mengikut kategori adalah seperti di **LAMPIRAN C**.

LAMPIRAN A

**LAPORAN KUTIPAN CUKAI TANAH OLEH KERAJAAN NEGERI DAN
CUKAI TAKSIRAN SERTA DENDA/KOMPAUN OLEH PBT**

Tahun	Jumlah Kutipan Cukai Tanah (RM)	Jumlah Kutipan Cukai Taksiran (RM)		Jumlah Kutipan Denda / Kompaun (RM)	
		MBPP	MBSP	MBPP	MBSP
2018	119,120,322.65	186,024,533.64	181,233,386.00	7,068,355.75	7,088,321.00
2019	118,595,758.23	214,014,734.28	187,889,422.00	10,870,483.33	6,104,050.00
2020 (sehingga 31 Mac)	57,748,268.95	82,351,381.07	92,064,713.00	1,212,745.94	1,368,933.00

LAMPIRAN B**LAPORAN HASIL NEGERI BAGI TAHUN 2018, 2019 DAN 2020**

Hasil Tahun	Hasil Cukai (RM)	Hasil Bukan Cukai (RM)	Terimaan Bukan Hasil (RM)	JUMLAH (RM)
2018	135,690,992.19	591,606,819.41	259,752,327.09	987,050,138.69
2019	Penyata Kewangan Negeri Pulau Pinang Tahun 2019 masih dalam pengauditan Jabatan Audit Negara Negeri Pulau Pinang.			
2020 (sehingga 31 Mac)	57,748,268.95	44,715,617.14	13,354,035.09	115,997,921.18

LAPORAN PERBELANJAAN MENGIKUT KATEGORI
BAGI TAHUN 2018 DAN 2019

Kod	Kategori	2018 (RM juta)	2019 (RM juta)	2020 (RM juta)
10000	Emolumen	162.91	171.40	40.56
20000	Perkhidmatan dan Bekalan	147.26	168.18	23.78
30000	Aset	6.27	5.24	0.13
40000	Pemberian	686.90	234.93	117.46
50000	Belanja-belanja Lain	1.98	1.56	0.21
JUMLAH		1,005.32	581.31	182.14

Tahun 2018

Pecahan perbelanjaan utama tahun 2018 berjumlah RM 1,005.32 juta merangkumi:

RM486.04 juta (mengurus pejabat dan lain-lain)

RM84.28 juta (pemberian program kebajikan)

RM435.00 juta (caruman ke Kumpulan Wang Pembangunan)

Tahun 2019

Pecahan perbelanjaan utama tahun 2019 berjumlah RM581.31 juta merangkumi:

RM459.29 juta (mengurus pejabat dan lain-lain)

RM87.02 juta (pemberian program kebajikan)

RM35.00 juta (caruman ke Kumpulan Wang Pembangunan)